

مجموعہ ابوالضیا

ماسوا شاہ سندن دلی تطہیرہ چالش

پر تو حکمت و عرفان ایلا تئورہ آلس

علوم و معارفدن بحث ایدرہ و ہرماہ عربی اجناسیلہ اون بشتہ نشر اولنور فتون غزتمہ ایدرہ

نومرو ۱۵ - جلد ۲ [فی ۱۵ ربیع الآخر سنہ ۱۲۹۸] نسخہ سی ۳ فروش

— عزیزم! دوستم! خاطریه برشی کلیور؛ اگر بوحریف
 مونتسکیو — پک اینی بوحریف! نه دیمک ایستیورسکز!
 چستر فیلد — اوت! بوحریف! احتمال که ... اوت! شهه ایتیم ...
 مونتسکیو — جانم نه دیمک ایستیورسکز؟ برشی بیلور ایسه کن
 چابوق سویلیکن!

چستر فیلد — آکلادم؛ اگر بوحریف سزه برطرفدن کوندلرش
 ایسه

مونتسکیو — رجا ایدرم؛ بکا اذیت وبرمیکده بیلورسه کن سویلیک!
 چستر فیلد — مثلاً بوحریف، لورد چستر فیلد نامنده برمعذب
 طرفندن بر مشقال عقل سلیمک براق قیه ذکاویدن دها قیمتدار اولدیغنی
 اثبات معرضنده کوندلرش ایسه نه بیوررسکز؟ زیرا عقل سلیم ایله
 مونتسکیو — حدتله باغهررق — آه! جانسکز! بکا نه اویون اوینا.
 دیغکزی بیلورمیسکز! ال یازیلریمی کاملاً یاقدم. ایواه! ...
 مونتسکیو لورد چستر فیلدک بولطیفه سنی عفو ایده مدی. حرکت
 ایچون ذاتاً تهی اوزره بولندیغندن همان پوسته عربه سنه اوطوروب،
 ولورد چستر فیلده وداع بیله ایتوب، لیللاً حرکت ایلدی.
 دیدرو دیورکه — بن مونتسکیونک رنده اولسه دیم لورد چستر
 فیلدک بوینته صاریلوب، اوپر ودر ایدم که: عزیزم! سز بکا انکلتره ده
 اذکیا بولندیغنی اثبات ایلدیکن. بن ده سزه فرانسه ده عقل سلیم اربابی
 بولندیغنی بشقه بروقت اثبات ایدرم.

معلومات فیه

آق عنبر حقتده قديمای اطبانك ذهباي

ابن سینا ایله سرافیون آق عنبرک دکز قیالری اوزرنده ثابت بر

یلسنک اولدیغنه ذاهب اولدیلر . آغاجلرک اوزرنده نابت منطسار کبی،
آق عنبرده دکر قیالینک اوزرنده کندی کندیته نبت ایلر . صکره دکره
دوشر قولنی الک اول ابن سینا سرد ایلدی . صکره ابن سرافیون دخی
بو قولی تصدیق و قبول ایلدی .

(قاردان) نام طبیب مشهور دخی آق عنبر دکر مانده لرینک سالیلا .
لرینک قوریسی اولدیغی رأینده بولندی . مشاهیردن طبیب (فرنانز
لوپز) آق عنبره قوقولی اولرله تغدی ایدن طیورک فضلاتی نامنی و بردی .
ینه بو طاقدن یعنی ظنوننه حقیقت حکمنی و برناردن (پومنت) اسمنده
بر طبیب دخی آق عنبرک قوقولی بال ایله بال مومندن عبارت اولوب،
کونشده قوریمقله کسب صلابت ایلش وبعده دکره دوشمه سیله نلاطم
دریا ایله تحرک ایدرک کمال بولمش اولدیغی بیان ایلدی .

بو قوقولی بال ایله بال مومی نره دن کلمش؛ ونصل قارشمش؛
وباخصوص نه وجهله دکره دوشمش؛ بورالندن اصلاً بحث ایتدی .
بعض اطبا دخی آق عنبری طوگمش دکر کوفی عد و بعض آخرزفت
کبی انجماد ایتش زیت تراب و برطاقی تمساحک نجاستی اولق اوزره
تعریف ایلدی .

محققین طبایع اشیادن (سروال مورهل) نام طبیب آق عنبرک ماهیت
و حقیقتنی الک اول کشف و تعیین ایله دیدی که: آق عنبر مخلوقات بحریه نك
اک عظیمی اولان (قاشالو) بالیغنک باغرضقلرنده حصوله کلان « حصات
معایه » در .

صکره انکلیر اطباسندن (اشوه یادور) دخی بالتصدیق بو رأیی
قبول و تصدیق ایلدی . زبرا عنبر بالیغنک باغرضقلرنده خستهلق ظهوره
کلدیکی حالده حصات معایه بی تعبیر دیگرله آق عنبری افراز ایلر .
اطبای معاصرین ایسه تماماً بورایه قائلدر . حتی ژاپونیا لیلر آق عنبره
« بالینانک نجاستی » نامنی و برمشلردر .